

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
STRUČNA SLUŽBA GRADONAČELNIKA

Primljeno: 24-03-2023			
Org. jed.	Kl. ozna.	Red. broj	Br. prijava
01	04	112/23	

Broj: 02-04-109/23-AP-10
Datum: 24.03.2023. godine

GRADSKO VIJEĆE ZAVIDOVIĆI
n/r PREDSJEDAVAJUĆA GRADSKOG VIJEĆA
gospodin Admir Fojnica

PREDMET: Prijedlog Odluke o osnovama i načinu isplate naknada i drugih primanja vijećnika i članova radnih tijela Gradskog vijeća Zavidovići, dostavlja se

U prilogu akta dostavljam Vam Prijedlog Odluke o osnovama i načinu isplate naknada i drugih primanja vijećnika i članova radnih tijela Gradskog vijeća Zavidovići.

Prijedlog Odluke o osnovama i načinu isplate naknada i drugih primanja vijećnika i članova radnih tijela Gradskog vijeća Zavidovići sa obrazloženjem gradonačelnika, dostavljam Gradskom vijeću Zavidovići radi uvrštavanja u dnevni red sjednice Gradskog vijeća.

Obzirom da se ne radi o obimnoj i složenoj odluci predlažem da Gradsko vijeće Zavidovići prijedlog odluke razmatra po skraćenom postupku bez nacrtu u skladu sa članom 130. stav 1. Poslovnika o radu Gradskog vijeća Zavidovići – prečišćeni tekst („Službeni glasnik Grada Zavidovići“, broj: 7/2022 i 1/2023).

Na osnovu člana 61. stav (8) Poslovnika o radu Gradskog vijeća Zavidovići – prečišćeni tekst („Službeni glasnik Grada Zavidovići“, broj: 7/2022 i 1/2023), Gradonačelnik predlaže da se u dnevni red 12. sjednice Gradskog vijeća Zavidovići zakazne za 31.03.2023. godine uvrsti tačka dnevnog reda pod nazivom:

- Prijedlog Odluke o osnovama i načinu isplate naknada i drugih primanja vijećnika i članova radnih tijela Gradskog vijeća Zavidovići i da se razmatra kao 6. tačka dnevnog reda.

Prijedlog za ovu dopunu dnevnog reda podnosim zbog hitnosti materijala.

S poštovanjem

Dostavljeno:

1. Naslovu,
2. U spis.



GRADONAČELNIK

doc. dr. Hašim Mujanović



Broj: 02-04-109/23-AP-9
Datum: 24.03.2023. godine

Na osnovu člana 10. i 16. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022), člana 22. Statuta Općine Zavidovići („Službeni glasnik Općine Zavidovići“, broj: 5/2008, 5a/2008 i 11/2019) i člana 15. Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/22), Gradsko vijeće Zavidovići na sjednici __. održanoj dana __. __. 2023. godine, donijelo je

O D L U K U

o osnovama i načinu isplate naknada i drugih primanja
vijećnika i članova radnih tijela Gradskog vijeća Zavidovići

Član 1.

Ovom Odlukom utvrđuje se visina i način isplate naknada za obavljanje vijećničke funkcije u Gradskom vijeću Zavidovići (u daljem tekstu: Vijeća) i naknade za rad članova radnih tijela Vijeća.

Član 2.

Pravo na naknadu po ovoj Odluci pripada vijećnicima i članovima radnih tijela Gradskog vijeća Zavidovići kada prisustvuju sjednicama Vijeća i sjednicama radnih tijela Vijeća ili kada vrše određene poslove za potrebe Vijeća.

Član 3.

Naknada u smislu člana 2. ove Odluke obuhvata:

- a) mjesečna naknada vijećnika (paušal);
- b) naknada vijećnicima za prisustvo sjednicama Vijeća;
- c) naknada članovima radnih tijela za prisustvo i učešće u radu radnih tijela Vijeća.

Član 4.

- (1) Vijećnici imaju pravo na dnevnicu i ostale troškove službenog putovanja u visini i pod uslovima propisanim za uposlenike gradskih organa uprave.
- (2) Nalog za službeno putovanje, kao i odobrenje za upotrebu vlastitog automobila u službene svrhe odobrava Gradonačelnik na pismeni prijedlog predsjedavajućeg Vijeća.

Član 5.

- (1) Pravo na dnevnicu i naknadu troškova noćenja u visini utvrđenoj u članu 4. pripada i članovima radnih tijela Vijeća, kada svoju dužnost kao članovi tih tijela obavljaju van područja Grada Zavidovići.
- (2) Nalog za službeno putovanje članovima radnih tijela Vijeća, kao i odobrenje za upotrebu vlastitog automobila u službene svrhe odobrava Gradonačelnik na pismeni prijedlog predsjedavajućeg Vijeća.

Član 6.

- (1) Vijećnicima pripada mjesečna naknada (paušal) u iznosu od 25% neto plaće ostvarene u Federaciji BiH u mjesecu novembru prethodne godine za godinu u kojoj se naknada isplaćuje.

- (2) Vijećnicima pripada i naknada za prisustvo i učešće u radu Vijeća u visini od 20% prosječne neto plaće ostvarene u Federaciji BiH u mjesecu novembru prethodne godine za godinu u kojoj se naknada isplaćuje.

Član 7.

- (1) Predsjedavajućem Vijeća pripada mjesečna naknada (paušal) u iznosu od 50% prosječne neto plaće ostvarene u Federaciji BiH u mjesecu novembru prethodne godine za godinu u kojoj se naknada isplaćuje, kao i naknada za učešće u radu Vijeća u visini od 20% prosječne neto plaće ostvarene u Federaciji BiH u mjesecu novembru prethodne godine za godinu u kojoj se naknada isplaćuje, po održanoj sjednici.
- (2) Zamjeniku predsjedavajućeg Vijeća pripada mjesečna naknada (paušal) u iznosu od 30% prosječne neto plaće ostvarene u Federaciji BiH u mjesecu novembru prethodne godine za godinu u kojoj se naknada isplaćuje, kao i naknada za učešće u radu Vijeća u visini od 20% prosječne neto plaće ostvarene u Federaciji BiH u mjesecu novembru prethodne godine za godinu u kojoj se naknada isplaćuje, po održanoj sjednici.

Član 8.

- (1) Članu radnog tijela Vijeća za rad i prisustvo sjednici, pripada naknada u visini od 5% prosječne neto plaće ostvarene u Federaciji BiH u mjesecu novembru prethodne godine za godinu u kojoj se naknada isplaćuje.
- (2) Predsjedniku radnog tijela Vijeća pripada naknada za rad i prisustvo sjednici u visini od 6% prosječne neto plaće ostvarene u Federaciji BiH u mjesecu novembru prethodne godine za godinu u kojoj se naknada isplaćuje.

Član 9.

- (1) Evidenciju prisustva vijećnika i članova radnih tijela, sjednicama Vijeću, odnosno sjednicama radnih tijela, vrši Stručna služba Gradskog vijeća.
- (2) Obračun i isplatu naknada vijećnicima i članovima radnih tijela, vrši Služba za upravu finansija, budžet i trezor na osnovu dostavljenih evidencija, najkasnije do svakog 15. narednog mjeseca za prethodni mjesec, zavisno od raspoloživih sredstava za ove namjene predviđene u Budžetu Grada Zavidovići.

Član 10.

- (1) Vijećniku ili članu radnih tijela Vijeća koji ne prisustvuje sjednici Vijeća, ili koji bez najave Predsjedavajućem Vijeća ili bez opravdanog razloga napusti sjednicu, neće biti uplaćena naknada za prisustvo sjednici koju je bez najave ili opravdanog razloga napustio.
- (2) Vijećniku iz stava (1) ovog člana, neće biti uplaćena naknada za prisustvo sjednici na osnovu pisanog zahtjeva Predsjedavajućeg Vijeća.

Član 11.

Stupanjem na snagu ove Odluke prestaje da važi Odluka o osnovima i načinu isplate naknada i drugih primanja Vijećnika i drugih radnih tijela Općinskog vijeća Zavidovići - prečišćeni tekst („Službeni glasnik Općine Zavidovići“, broj: 2/2014).

Član 12.

Ova Odluku stupa na snagu prvog narednog dana od dana objave u „Službenom glasniku Grada Zavidovići“, a primjenjivat će se od 01.04.2023. godine.

PREDSJEDAVAJUĆI
GRADSKOG VIJEĆA

Fojnica Admir, prof.

O B R A Z L O Ž E N J E

I - PRAVNI OSNOV DONOŠENJA ODLUKE

Pravni osnov za donošenje Odluke o dopunama Poslovnika o radu Gradskog vijeća Zavidovići, sadržan je u član 16. stav (1) Privremene Statutarne Odluke Grada Zavidovići, koji glasi: „(1) Statut, svi drugi akti i obilježja uskladiti će se sa ovom Odlukom i Zakonom u roku od 12 mjeseci od dana stupanja na snagu Zakona o uspostavljanju Grada Zavidovići.“

Član 18. Privremene Statutarne Odluke Grada Zavidovići, glasi:

„18.

(Primjena Poslovnika o radu Općinskog vijeća Zavidovići)

Na rad Gradskog vijeća i njegovih radnih tijela, primjenjivat će se odredbe važećeg Poslovnika o radu Općinskog vijeća Zavidovići, ako nisu u suprotnosti sa Zakonom o Gradu Zavidovići, Zakonom o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09).“

Člana 22. Statuta Općine Zavidovići, glasi: „Općinski vijećnici imaju, u skladu sa općinskom odlukom, pravo na naknadu i naknadu troškova, koji su nastali u vezi sa radom u Općinskom vijeću.“

Člana 15. Poslovnika o radu Gradskog vijeća Zavidovići – novi prečišćeni tekst, glasi: „Vijećnik ima pravo na naknadu za rad i naknadu troškova koji su nastali u vezi sa radom u Vijeću, u skladu sa odlukom Gradskog vijeća.“

II - RAZLOZI ZA DONOŠENJE ODLUKE

Programom rada Gradskog vijeća Zavidovići („Službeni glasnik Grada Zavidovići“, broj: 8/22), planirano je razmatranje Prijedloga Odluke o visini naknada vijećnicima i članovima radnih tijela Gradskog vijeća Zavidovići, za mjesec januar 2023. godine.

Gradsko vijeće Zavidovići na 8. sjednici održanoj dana 29.12.2022. godine, usvojilo je Budžet Grada Zavidovići za 2023. godinu („Službeni glasnik Grada Zavidovići“, broj: 8/22), kojim su planirana sredstva za naknade za obavljanje vijećničke funkcije, kao i naknade za rad u radnim tijelima (stalnim i povremenim radnim tijelima) Vijeća.

Visina naknada vijećnika i članova radnih tijela usaglašena je sa predstavnicima političkih partija koje participiraju u radu Gradskog vijeća Zavidovići.

III - OBRAZLOŽENJE PRAVNIH RJEŠENJA U ODLUCI

Član 1., 2. i 3. Prijedloga Odluke o osnovama i načinu isplate naknada i drugih primanja Vijećnika i članova radnih tijela Gradskog vijeća Zavidovići, u skladu sa članom 15. Poslovnika o radu Gradskog vijeća Zavidovići – novi prečišćeni tekst, utvrđuje se pravo na naknadu i naknadu troškova, koji su nastali u vezi sa radom u Gradskom vijeću.

Član 4. i 5. Prijedloga Odluke o osnovama i načinu isplate naknada i drugih primanja Vijećnika i članova radnih tijela Gradskog vijeća Zavidovići, vijećnici imaju pravo na ostale troškove koji nastanu u vezi sa radom u Vijeću, za obavljanje posla za potrebe Vijeća i radnih tijela Vijeća van Grada Zavidovići, naknada će se isplatiti u visini i pod uslovima propisanim za uposlenika gradskih organa uprave. Postupak za izdavanje putnog naloga i odobrenja za korištenje vlastitog automobila odobrava Gradonačelnik na zahtjev Predsjedavajućeg Vijeća..

Član 6. Prijedloga Odluke o osnovama i načinu isplate naknada i drugih primanja Vijećnika i članova radnih tijela Gradskog vijeća Zavidovići, utvrđuje visinu paušala i naknade po sjednici za vijećnike. Visina naknade po važećoj odluci iznosi 250,00 KM, a predlaže se visina paušala od 25% prosječne neto plaće ostvarene u Federaciji BiH u mjesecu novembru

prethodne godine za godinu u kojoj se naknada isplaćuje (prema zvaničnom podatku prosječna neto plaće ostvarene u Federaciji BiH u mjesecu novembru 2022. godine, iznosi 1.161,00 KM) i ista iznosi 290,25 KM.

Visina naknade za vijećnike po sjednici po važećoj odluci iznosi 150,00 KM, a u Prijedlogu Odluke, ista se predlaže u visini od 20% prosječne neto plaće ostvarene u Federaciji BiH u mjesecu novembru prethodne godine za godinu u kojoj se naknada isplaćuje i iznosi 232,20 KM.

Član 7. Prijedloga Odluke o osnovama i načinu isplate naknada i drugih primanja Vijećnika i članova radnih tijela Gradskog vijeća Zavidovići, utvrđuje visinu paušala i naknade po sjednici za predsjedavajućeg Vijeća. Visina paušala po važećoj odluci iznosi 500,00 KM, a predlaže se visina paušala od 50% neto plaće ostvarene u Federaciji BiH u mjesecu novembru prethodne godine za godinu u kojoj se naknada isplaćuje i ista iznosi 580,50 KM, a visina naknade po sjednici po važećoj odluci iznosi 200,00 KM, a u Prijedlogu Odluke, ista se predlaže u visini 20% prosječne neto plaće ostvarene u Federaciji BiH u mjesecu novembru prethodne godine za godinu u kojoj se naknada isplaćuje, po održanoj sjednici i iznosi 232,20 KM.

Član 8. Prijedloga Odluke o osnovama i načinu isplate naknada i drugih primanja Vijećnika i članova radnih tijela Gradskog vijeća Zavidovići, utvrđuje visinu naknade za članove radnih tijela (stalnih i povremenih radnih tijela) Vijeća. Visina naknade po važećoj odluci za člana radnog tijela iznosi 40,00 KM, a predlaže se u visini od 5% prosječne neto plaće ostvarene u Federaciji BiH u mjesecu novembru prethodne godine za godinu u kojoj se naknada isplaćuje, i ista iznosi 58,05 KM. Po važećoj Odluci naknada za predsjednika po sjednici iznosi 50,00 KM, a predlaže se 6% prosječne neto plaće ostvarene u Federaciji BiH u mjesecu novembru prethodne godine za godinu u kojoj se naknada isplaćuje, i ista iznosi 69,66 KM.

Član 9. Prijedloga Odluke o osnovama i načinu isplate naknada i drugih primanja vijećnika i članova radnih tijela Gradskog vijeća Zavidovići, propisuje zaduženja kod vođenja evidencija o prisustvu vijećnika i članova radnih tijela, kao zaduženja za obračun i isplatu naknada.


Član 10. Prijedloga Odluke o osnovama i načinu isplate naknada i drugih primanja vijećnika i članova radnih tijela Gradskog vijeća Zavidovići, propisuje da vijećnik koji bez najave Predsjedavajućem ili bez opravdanog razloga napusti sjednicu, neće biti uplaćena naknada za prisustvo sjednici, a isto je predloženo u svojstvu preventivne mjere.

Član 11. Prijedloga Odluke o osnovama i načinu isplate naknada i drugih primanja vijećnika i članova radnih tijela Gradskog vijeća Zavidovići, odnosi se na završne odredbe, kojima se stavlja van snage Odluka o osnovama i načinu isplate naknada i drugih primanja Vijećnika i drugih radnih tijela Općinskog vijeća Zavidovići - prečišćeni tekst („Službeni glasnik Općine Zavidovići“, broj: 2/2014).


IV - FINANSIJSKA SREDSTVA

Za realizaciju predmetne Odluke planirana su sredstva u Budžetu Grada Zavidovići za 2023. godinu na transferu „Izdaci za naknade vijećnicima“ u iznos od 210.000,00 KM i transferu „Izdaci za rad komisija, naknada članovima komisija koje imenuje Gradskog vijeće“ u iznosu od 50.000,00 KM.


Obradila: 
(Samira Pinjić)



GRADONAČELNIK

doc. dr. Hašim Mujanović 

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
GRADSKO VIJEĆE
Stručna služba Gradskog vijeća
Broj: 01-04-4/23-AP-50
Datum: 23.03.2023. godine



GRADONAČELNIK
doc. dr. Hašim Mujanović

PREDMET: Prijedlog Odluke o osnovama i načinu isplate naknada i drugih primanja vijećnika i članovima radnih tijela Gradskog vijeća Zavidovići, dostavlja se.

Programom rada Gradskog vijeća Zavidovići („Službeni glasnik Grada Zavidovići“, broj: 8/22), u prvom kvartalu januar – april, za mjesec januar 2023. godine, pod tačkom 9. planirano je razmatranje Prijedloga Odluke o visini naknada vijećnicima i članovima radnih tijela Gradskog vijeća Zavidovići. Ovlašteni predlagač navedenog materijala je Gradonačelnik.

Na osnovu člana 10. i 16. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022), člana 22. Statuta Općine Zavidovići („Službeni glasnik Općine Zavidovići“, broj: 5/2008, 5a/2008 i 11/2019) člana 15. Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/22) i Zaključak Kolegija Gradskog vijeća, broj: 01-04-5/23-AP-77 od 22.03.2023. godine, Stručna služba Gradskog vijeća je pripremila Prijedlog Odluke o osnovama i načinu isplate naknada i drugih primanja vijećnika i članovima radnih tijela Gradskog vijeća Zavidovići, koji Vam u prilogu dopisa dostavljamo.

S poštovanjem.

PRILOG: Prijedlog Odluke o visini naknada vijećnicima i članovima radnih tijela Gradskog vijeća Zavidovići.

-Zaključak Kolegija Gradskog vijeća, broj: 01-04-5/23-AP-77 od 22.03.2023. godine.

DOSTAVLJA SE:

- 1. Naslovu,
- 2. U spis.

SEKRETAR
GRADSKOG VIJEĆA
Pinjić Samira, dipl. pravnik



Kolegij Gradskog vijeća

Broj: 01-04-5/23-AP-77

Datum: 22.03.2023. godine

Na osnovu člana 31. stav 1. alineja 2. Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/22 i 1/23), Kolegij Gradskog vijeća na 13. sjednici održanoj dana 22.03.2023. godine, pod tačkom razno razmatrao je Obavještenje Gradonačelnika o povlačenju Prijedloga Odluke o osnovama i načinu isplate naknada i drugih primanja vijećnika i članova radnih tijela Gradskog vijeća Zavidovići, sa dnevnog reda 10. sjednice Gradskog vijeća, održane dana 31.01.2023. godine, broj: 02-04-109/23-AP-8 od 31.01.2023. godine, pa nakon rasprave donio je

ZAKLJUČAK

1. Kolegij Gradskog vijeća Zavidovići, nakon usaglašavanja stavova predstavnika političkih partija koje participiraju u radu Gradskog vijeća Zavidovići, predlaže Gradonačelniku da se u Prijedlogu Odluke o osnovama i načinu isplate naknada i drugih primanja vijećnika i članova radnih tijela Gradskog vijeća Zavidovići, predlože naknade, kako slijedi:

- Vijećnicima pripada mjesečna naknada (paušal) u iznosu od 25% neto plaće ostvarene u Federaciji BiH u mjesecu novembru prethodne godine za godinu u kojoj se naknada isplaćuje i naknada za prisustvo i učešće u radu Vijeća u visini od 20% prosječne neto plaće ostvarene u Federaciji BiH u mjesecu novembru prethodne godine za godinu u kojoj se naknada isplaćuje.

- Predsjedavajućem Vijeća pripada mjesečna naknada (paušal) u iznosu od 50% prosječne neto plaće ostvarene u Federaciji BiH u mjesecu novembru prethodne godine za godinu u kojoj se naknada isplaćuje, kao i naknada za učešće u radu Vijeća u visini od 20% prosječne neto plaće ostvarene u Federaciji BiH u mjesecu novembru prethodne godine za godinu u kojoj se naknada isplaćuje, po održanoj sjednici.

- Zamjeniku predsjedavajućeg Vijeća pripada mjesečna naknada (paušal) u iznosu od 30% prosječne neto plaće ostvarene u Federaciji BiH u mjesecu novembru prethodne godine za godinu u kojoj se naknada isplaćuje, kao i naknada za učešće u radu Vijeća u visini od 20% prosječne neto plaće ostvarene u Federaciji BiH u mjesecu novembru prethodne godine za godinu u kojoj se naknada isplaćuje, po održanoj sjednici.

- Članu radnog tijela Vijeća za rad i prisustvo sjednici, pripada naknada u visini od 5% prosječne neto plaće ostvarene u Federaciji BiH u mjesecu novembru prethodne godine za godinu u kojoj se naknada isplaćuje.

- Predsjedniku radnog tijela Vijeća pripada naknada za rad i prisustvo sjednici u visini od 6% prosječne neto plaće ostvarene u Federaciji BiH u mjesecu novembru prethodne godine za godinu u kojoj se naknada isplaćuje.

Zvaničan podatak - neto plaća ostvarene u Federaciji BiH u mjesecu novembru 2022. godine, iznosi 1.161,00 KM, a Odluka bi se primjenjivala od 01.04.2023. godine.

2. Zaključak stupa na snagu danom donošenja, a o njegovoj realizaciji starat će se Stručna služba Gradskog vijeća.

PRILOG: - Obavještenje Gradonačelnika, broj: 02-04-109/23-AP-8 od 31.01.2023. godine.

DOSTAVLJENO:

1. Gradonačelnik,
2. U spis.

PREDSJEDAVAJUĆI
GRADSKOG VIJEĆA
Admir Fojnica, prof.

23.03.2023



Komisija za Statut i propise

Broj: 01-04-112/23-AP-5

Datum: 27.03.2023. godine

Na osnovu člana 16. i 17. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022) i člana 33. i 44. Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/22 i 1/23), Komisija za Statut i propise na 20. sjednici održanoj dana 27.03.2023. godine, razmatrala je Prijedlog Odluke o osnovama i načinu isplate naknada i drugih primanja vijećnika i članova radnih tijela Gradskog vijeća Zavidovići, pa nakon rasprave donijela

ZAKLJUČAK

1. Komisija za Statut i propise smatra da je Prijedlog Odluke o osnovama i načinu isplate naknada i drugih primanja vijećnika i članova radnih tijela Gradskog vijeća Zavidovići, u skladu sa zakonom i drugim propisima.

2. Komisija za Statut i propise podnosi:

Amandman

na Prijedlog Odluke o osnovama i načinu isplate naknada
i drugih primanja vijećnika i članova radnih tijela Gradskog vijeća Zavidovići

U članu 11. Prijedlog Odluke o osnovama i načinu isplate naknada i drugih primanja vijećnika i članova radnih tijela Gradskog vijeća Zavidovići, iza stava (1) dodaje se novi stav (2) koji glasi: „(2) Pravo na naknadu vijećnicima i članovima radnih tijela Gradskog vijeća Zavidovići za prisustvo sjednicama Vijeća i sjednicama radnih tijela Vijeća nastalo do stupanja na snagu ove Odluke, ostvarit će se primjenom odredaba Odluke o osnovama i načinu isplate naknada i drugih primanja Vijećnika i drugih radnih tijela Općinskog vijeća Zavidovići - prečišćeni tekst („Službeni glasnik Općine Zavidovići“, broj: 2/2014).“

O b r a z l o ž e n j e

Komisija za Statut i propise imajući u vidu da se u periodu od 01.01.2023. godine do danas nisu isplatile naknade prema vijećnicima i članovima radnih tijela Gradskog vijeća Zavidovići za prisustvo sjednicama Vijeća i sjednicama radnih tijela Gradskog Vijeća, smatra da je u članu 11. potrebno iza stava (1) dodati stav (2), kojim će se propisati pravo na naknadu vijećnicima i članovima radnih tijela Gradskog vijeća Zavidovići za prisustvo sjednicama Vijeća i sjednicama radnih tijela Vijeća, nastalo do stupanja na snagu ove Odluke, a isto će se ostvariti primjenom odredaba Odluke o osnovama i načinu isplate naknada i drugih primanja Vijećnika i drugih radnih tijela Općinskog vijeća Zavidovići - prečišćeni tekst („Službeni glasnik Općine Zavidovići“, broj: 2/2014).“

Komisija za Statut i propise smatra da bi se prihvatanjem predmetnog amandmana upotpunio i poboljšao tekst Prijedloga Odluke o osnovama i načinu isplate naknada i drugih primanja vijećnika i članova radnih tijela Gradskog vijeća Zavidovići.

3. Komisija za Statut i propise smatra da je Prijedlog Odluke o osnovama i načinu isplate naknada i drugih primanja vijećnika i članova radnih tijela Gradskog vijeća Zavidovići, pripremljen u skladu sa članom 10. i 16. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022), člana 22. Statuta Općine Zavidovići („Službeni glasnik Općine Zavidovići“, broj: 5/08, 5a/08 i 11/19) i članom 15. Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/22).

4. Komisija za Statut i propise smatra da je Prijedlog Odluke o osnovama i načinu isplate naknada i drugih primanja vijećnika i članova radnih tijela Gradskog vijeća Zavidovići, pripremljen u skladu sa Jedinstvenim pravilima za izradu pravnih propisa u Zeničko-dobojskom kantonu („Službene novine Zeničko-dobojskog kantona“, broj: 5/08).

5. Prijedlog Odluke o osnovama i načinu isplate naknada i drugih primanja vijećnika i članova radnih tijela Gradskog vijeća Zavidovići, dostavlja se predsjedavajućem radi uvrštavanja u dnevni red sjednice Gradskog vijeća.

6. O realizaciji ovog zaključka starat će se Stručna služba Gradskog vijeća.

PREDSJEDNIK KOMISIJE

Zerina Husić, dipl. pravnik





**Komisija za budžet, finansije i
ekonomska pitanja**

Broj: 01-04-112/23-AP-6

Datum: 27.03.2023. godine

Na osnovu člana 16. i 17. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022), člana 33. i 45. Poslovnika o radu Gradskog vijeća Zavidovići - („Službeni glasnik Grada Zavidovići“, broj: 7/22), Komisija za budžet, finansije i ekonomska pitanja na 14. sjednici održanoj dana 27.03.2023. godine, razmatrala je Prijedlog Odluke o osnovama i načinu isplate naknada i drugih primanja vijećnika i članova radnih tijela Gradskog vijeća Zavidovići, pa nakon rasprave donijela

ZAKLJUČAK

1. Komisija za budžet, finansije i ekonomska pitanja prihvata Prijedlog Odluke o osnovama i načinu isplate naknada i drugih primanja vijećnika i članova radnih tijela Gradskog vijeća Zavidovići.
2. Komisija za budžet, finansije i ekonomska pitanja konstatuje da su za realizaciju Prijedloga Odluke o osnovama i načinu isplate naknada i drugih primanja vijećnika i članova radnih tijela Gradskog vijeća Zavidovići, u Budžetu Grada Zavidovići za 2023. godinu („Službeni glasnik Grada Zavidovići“, broj: 8/22), planirana sredstva na Transferu „Izdaci za naknade vijećnicima“, u iznosu od 210.000,00 KM i na Transferu „Izdaci za rad komisija – Naknada članovima komisija koje imenuje Gradsko vijeće“, u iznosu od 50.000,00 KM.
3. Prijedlog Odluke o osnovama i načinu isplate naknada i drugih primanja vijećnika i članova radnih tijela Gradskog vijeća Zavidovići, dostavlja se predsjedavajućem radi uvrštavanja u dnevni red sjednice Gradskog vijeća.
4. O realizaciji ovog Zaključka starat će se Stručna služba Gradskog vijeća.

PREDSJEDNIK KOMISIJE

Amir Alić, magistar matematike i informatike

